

Unapređenje ljudskih prava i zaštite manjina u jugoistočnoj Evropi



Opći cilj zajedničkog projekta Evropske unije i Vijeća Evrope „Unapređenje ljudskih prava i zaštite manjina u jugoistočnoj Evropi” jeste **poboljšanje ostvarivanja prava manjina** na raznim nivoima vlasti u jugoistočnoj Evropi na osnovu standarda Vijeća Evrope u ovoj oblasti, a naročito **Okvirne konvencije za zaštitu nacionalnih manjina (FCNM)** i **Evropske povelje za regionalne i manjinske jezike (ECRML)**.

Tri posebna cilja zajednički će doprinijeti ostvarivanju ovog općeg cilja:

- 1) davanje podrške zemljama korisnicama projekta da ojačaju politike i kapacitete za primjenu manjinskih prava u odabranim općinama u regiji,
- 2) davanje podrške **lokalnim samoupravama** da ojačaju **politike i kapacitete za primjenu preporuka o manjinskim pravima u praksi** u odabranim općinama u regiji,
- 3) davanje podrške, na osnovu dokaza sa lokalnog nivoa, zajedno sa preporukama iz izvještaja monitoringa Vijeća Evrope, izmjenama zakonodavstva i politika na nivou centralne vlasti.

U okviru prvog cilja, namjera je da se odabranim općinama dâ podrška kako bi izradile konkretna rešenja za uklanjanje prepreka u primjeni manjinskih prava na lokalnom nivou, uz podršku tematskih grantova, zajedno sa redovnom stručnom podrškom Vijeća Evrope, koju će pružati međunarodni i lokalni eksperti. U otvorenom postupku odabrat će se trideset i šest općina na osnovu unaprijed definiranih kriterija iz oblasti obrazovanja, medija, službene upotrebe jezika i pisma, kulture, nediskriminacije i djelotvornog učešća pripadnika nacionalnih manjina u kulturnom, društvenom i privrednom životu te u javnim poslovima.

U ime koordinacijskog odbora projekta, sekretarijat projekta objavljuje:

Poziv za izražavanje interesa

Poziv je otvoren za sve višenacionalne općine u jugoistočnoj Evropi (Albanija, Bosna i Hercegovina, Hrvatska, Crna Gora, Srbija, „Bivša Jugoslovenska Republika Makedonija” i Kosovo¹).

Projektni grantovi Vijeća Evrope ograničeni su na iznos od 18.000,00 € po općini. Odabrane općine dužne su dati doprinos u visini od 10% od cjelokupnog budžeta projekta, koji na taj način ne može preći iznos od 20.000 €. Općina može dati doprinos kroz dostupna novčana sredstva ili kroz različite vidove doprinosa u stvarima (ljudski resursi, troškovi administracije, putni troškovi).

Rok za podnošenje prijava je **15. 9. 2014. godine** (24:00 po srednjoevropskom vremenu).

Ocjenu prijava vršit će lokalni odbori za ocjenu prijava na osnovu javno objavljenih kriterija. Odabrani podnosioci prijava, ako bude potrebno, dobit će pomoć za izradu projekata.

Sredstva grantova bit će realizirana početkom decembra 2014. godine.

Više informacija o postupku dodjele grantova, kriterijima i obrascu za prijavu dostupno je u [Kriterijima za odabir općina](#) i u [Vodiču za prijavu](#), kao i u [Obrascu za prijavu](#), koje možete pogledati i preuzeti na adresi <http://pjp-eu.coe.int/web/minority-rights>.

¹ Ovaj naziv ni na koji način ne prejudicira stavove o statusu Kosova, a u skladu je sa Rezolucijom br. 1244 Vijeća sigurnosti UN-a i mišljenjem Međunarodnog suda pravde o Deklaraciji o nezavisnosti Kosova.